

Puásuituálu máhđulâšvuodah já háástuh čielgih eennâm- já meccituáluministeriö ávus viermikoijâdâlmist

Eennâm- já meccituáluministeriö lii onne olgosadelâm moonnâm čoovčâ uárnejum puásuikoijâdállâm puátusijđ. Puátusij mielđ puoh merhâšitteemus háástu puásuituáluun toovvât tot ko poccuuh kuátuh liijkás alda ulmui aassâmtááluid. Siämmást koijâdállâm čaaitij, et puásuituáluun lii noonâ merhâšume madhâšemsuárgán já tave kuávlui eellimtilán.

Puohháid ávus viermikoijâdállâm karttij uáivilijđ puásuituáluun já ton stivriimist já toos väsitidii paijeel 3300 olmožid. Vijdes uásálistem puovtij oovdân puásuituáluun lohtâšuvvee aášijđ, moh cuvnií savâstállâm. Ulmuuh kommentistii iäljárávt máhđulâšvuodâid já háástuid.

Koijâdâlmân västideijeí mielđ puásuituálu teháluoseh máhđulâšvuodah láá čuávuvááh:

- feerim turistáid já kiásutteijee tahhee madhâšem uáinust
- poccuupiárgu já poccuupiárgust finnejum pyevtittásah láá áinoošlajâsiih já ollâ täásist
- puásuituálu iššeed tavekuávlui piäđguiaaššâmkuávlui eellimvuáimálâšvuodâ

Koijâdállâm mielđ stuárráamusah háástuh vist láá:

- kuáttum liijkás alda aassâmtááluid
- jotolâhpäärtih, main poccuuh láá fáárust
- pirrâs killeelvuotâ, nuuvtko poccui kuáttumenâmiij kuullâm já šonjâdâhnuvástus

Ávus viermikoijâdállâm čáittá ääšist movtijđum ulmui uáivilijđ, mut tot ij addel taggaar data, mii statistiklávť ovtâstítáččij puoh ulmuuid. Almolii koijâdâlmân puáhtá västidid anonymlávť, já nuuvtpa täsitiädulii váldus visásmittem ij lah máhđulâš.

Jotelis jotkâtoimân árvuštállâmlävđikode nubástitem

Eennâm- já meccituáluministeriö finnee uáivilkoijâdâlmist šiev vuáđu jotkâpargo já laavâi ovdedem várás. Ministeriö árvuštál puásuituálulaavâ ubâlâšvuodâ, moos lohtâšuveh meiddei joođoost leijee kuátuenâmiij tile kyeskee tutkâmušhaahâ, elettempoccui uđđâ mere asâtem já iärâsij lasseen algâaalmugij vuoigâđvuodah.

Ton lasseen ministeriö lii valmâštâlškuáttám puásuitipšomlaavâ miäldásii árvuštállâmlävđikode nubástitem. Sierânâs lahâhaahâ piäijoo joton jo taan haldáttâspaje ääigi já olâšuttuvvoo jotelis äigitavluin. Nubástussáin lii ulmen čielgâsmittid poccui tovvâtem vahâgij árvuštállâm já sajanmäksimriijdoi čuávdim čuolmâid.

[Viermikoijâdállâm oohťankiäsu \(liijkkâ\)](#)

Lasetiäduh eennâm- já meccituáluministeriöst:

ráđádellee virgeolmooš Tapani Sirviö p. 0295 16 2077 (puásuitipšom stivrim)

lahâasâtemneuvos Johanna Wallius p. 029516 2244 (árvuštállâmlävdikode kyeskee laavâi asâtem)

ovdânommâ.suhânommâ(a)mmm.fi